

父亦是晉臣琅邪若能中興大晉於中夏亦當率衆輔
之淳還通表京師天子嘉之語具張駿傳中時李驤死
以其子壽爲大將軍西夷校尉督征南費黑征東任昉
攻陷巴東太守楊謙退保建平壽別遣費黑寇建平晉
巴東監軍毋丘奧退保宜都雄遣李壽攻朱提以費黑
卽攀爲前鋒又遣鎮南任回征木落分寧州之援寧州
刺史尹奉降遂有南中之地雄於是赦其境內使班討
平寧州夷以班爲撫軍咸和八年雄生瘍於頭六日死
時年六十一在位三十年僞謚武帝廟曰太宗墓號安